

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

Sadržaj biltena:

Zakon o koncesijama KS na Ustavnom sudu FBiH	1
Revolving fond za lokalni razvoj	1
Realizacija projekta vodoopskrbe i odvodnje otpadnih voda u FBiH	2
Uspostava komunalnih redara u TK-a	3
Nastavak realizacije projekta energetske efikasnosti u Bosanskoj Krupi	3
Općina Srebrenik uvodi centralno grijenje u stambene i poslovne objekte	4
Fond za zaštitu okoliša FBiH odobrio 150.000 KM	4
Općini Prozor-Rama	4
Sarajevo dobija moderni park "Šhg Sakkar"	5
Izgradnja 20 vjetroelektrana na Vlašiću počinje 2012. godine	5
Općina Cazin postaje energetski učinkovita	6
Načelnik Općine Maglaj M. Mustabašić susreo sa sa ministricom B. Đurić	6
Počeo proces izrade LEAP-a u Gračanici	7
Kastracija i sterilizacija pasa litalica u Općini N. Sarajevo	7
Javna rasprava o nacrtu Zakona o korištenju obnovljivih izvora energije	8
B. Krupa uspostavlja servis "Manje od 48 sati"	8
Općina Živinice nastavlja program M:M	8
Javni konkurs za izbor i imenovanje članova Savjetodavne komisije u projektu Bikon Šema	9
Javni konkurs za izbor i imenovanje predsjednika Savjetodavne komisije Bikon Šema	10
Najava obilježavanja dana općina za mjesec februar/veljača	11
Evropsko prvenstvo u fudbalu za načelnike	12

Bilten Saveza općina i gradova Federacije Bosne i Hercegovine

ZAKON O KONCESIJAMA KS NA USTAVNOM SUDU FBiH

Općina Stari Grad uputila je Ustavnom sudu FBiH apelaciju za preispitivanje ustavnosti Zakona o koncesijama Kantona Sarajevo.

Općini Stari Grad pridružile su se i općine Novo Sarajevo i Vogošća, dajući svoju saglasnost na podnošenje apelacije Ustavnom sudu FBiH.

Odluka o pokretanju tužbe pred Ustavnim sudom FBiH donesena je nakon što je u Skupštini Kantona Sarajevo krajem oktobra/listopada prošle godine usvojen Zakon o koncesijama, koji direktno krši prava općine po osnovu nekoliko domaćih zakona i međunarodnih povelja.

Iz Općine Stari Grad upozoravaju kako se članovima 6., 7. i 8. Zakona o koncesijama KS krše principi lokalne samouprave utvrđenih Ustavom FBiH i Evropskom poveljom o lokalnoj samoupravi jer im je uskraćeno pravo raspolaganja sa imovinom.

Ustavnom sudu FBiH u apelaciji je predloženo da donese presudu kojom će utvrditi da je Kanton Sarajevo usvajanjem Zakona o koncesijama povrijedio pravo općina na lokalnu samoupravu, te da su određeni članovi ovog zakona neustavni.

Skupština Kantona Sarajevo 24. oktobra/listopada, 2011. godine usvojila je Zakon o koncesijama, koji je u direktnoj suprotnosti s principima i pravima lokalne samouprave. Ovaj zakon usvojen je unatoč upozorenjima predstavnika lokalnih zajednica u Kantonu Sarajevo o neustavnosti novog Zakona o koncesijama KS.



REVOLVING FOND ZA LOKALNI RAZVOJ: POVEĆANI IZNOSI KREDITA ZA OPĆINSKE PROJEKTE

SARAJEVO, 11. januar/siječanj – (eKapija) Zbog veoma slabe iskorištenosti raspoloživih sredstava revolving fonda po projektima "Lokalne inicijative" i "Lokalni razvoj", kojim upravlja Razvojna banka FBiH, Vlada Federacija se odlučila na izmjene uvjeta kreditiranja krajnjih korisnika, tj. općina. Izmjene predviđaju povećanje maksimalnog iznosa kredita koje općine mogu dobiti i to sa dosadašnjih milijun na tri milijuna KM.

"S obzirom da se radi o velikom broju projekata čija realizacija zahtijeva duže vremensko razdoblje implementacije, uz povećanje iznosa kredita, predloženo je povećanje roka otplate sa sedam na 10 godina, te povećanje grace razdoblja", ističu iz Vlade.

Iz Saveza općina i gradova FBiH su pozdravili ove izmjene navodeći da će one pomoći boljem iskorištavanju ovih, za općine povoljnih kreditnih sredstava. Savez je prethodno na zahtjev Federalnog ministarstva financija slao upite općinama kako bi se vidjelo koliko su one upoznate sa mogućnostima ovog Fonda.



Odgovori koje su dobili, navode iz Saveza, pokazali su da općine još nisu dovoljno upoznate sa mogućnostima kreditiranja preko Fonda, ali su iskazale interes da na ovaj način financiraju svoje infrastrukturne projekte. Smatraju da će i navedene izmjene svakako doprinijeti tome. Zbog toga je, kažu, potrebno nastaviti raditi na promociji Fonda i uvjeta koje daje za kreditiranje infrastrukturnih i razvojnih projekata lokalnih zajednica.

REALIZACIJA PROJEKTA VODOOPSKRBE I ODVODNJE OTPADNIH VODA U FBIH



Ivan Pandža, savjetnik u
FMPVŠ




Sa sastanka u Općini Čitluk


KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmedmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Radi se o jednom od najvećih projekata iz ove oblasti na području FBiH, vrijednim 121 milion eura, kojeg provode 22 općine na području FBiH



Sa sastanka u Općini Konjic



Sa sastanka u Općini Prozor-Rama

U okviru realizacije projekta "Vodoopskrbe i odvodnje otpadnih voda u Federaciji BiH", u periodu od 11. do 16. januara/siječnja predstavnici Federalnog ministarstva poljoprivrede, vodoprivrede i šumarstva i Jedinice za upravljanje Projektom EIB-a (PMU) izvršili su posjet općinama Čitluk, Konjic, Prozor-Rama i Tešanj.

Predstavnici ministarstva prvo su posjetili **Općinu Čitluk**, čiji su predstavnici, na čelu sa načelnikom Ivom Jerkićem upoznali Ivana Pandžu, savjetnika federalnog ministarstva poljoprivrede, vodoprivrede i šumarstva i ostale prisutne sa planovima projekta koji obuhvaća izgradnju glavnog tlačnog kanalizacijskog kolektora Međugorje, izgradnju kanalizacijske pumpe Međugorje, projektiranje i izgradnju proširenja PPOV-a kapaciteta do 14.000 ES ukupne vrijednosti 1.975.000 KM.

Federalno ministarstvo poljoprivrede, vodoprivrede i šumarstva pružilo je punu podršku realizaciji projekata sanacije i tretmana otpadnih voda koji će poboljšati standard i uvjete življenja građana općine Čitluk. Na sastanku se dogovorila tješnja suradnja između Općine i Federalnog ministarstva poljoprivrede, vodoprivrede i šumarstva, sa ciljem što brže i uspješnije realizacije ovoga projekta. Uz Čitluk predstavnici Federalnog ministarstva poljoprivrede, vodoprivrede i šumarstva u sklopu realizacije projekta "Vodoopskrbe i odvodnje otpadnih voda u FBiH" izvršili su posjet i općinama Konjic i Prozor-Rama.

Općina Konjic je svoj projekt odvodnje otpadnih voda podijelila u devet faza kroz izgradnju kolektora na lijevoj obali u gradu, izgradnju uređaja za pročišćavanje otpadnih voda, izgradnju kolektora na desnoj obali grada, izgradnju kanalizacijske mreže i uređaja za pročišćavanje otpadnih voda u naseljima Glavičine i Bijela, mreže i uređaja za pročišćavanje otpadnih voda u naseljima Donje Polje i Puhala, izgradnju i obnovu kanalizacijske mreže na lijevoj obali grada, izgradnju i obnovu kanalizacijske mreže na desnoj obali grada, izgradnju kanalizacijske mreže i uređaja za pročišćavanje otpadnih voda u Ovčarima i izgradnju kanalizacijske mreže i uređaja za pročišćavanje otpadnih voda u Donjem Selu.

Ukupna vrijednost projekta odvodnje otpadnih voda u općini Konjic iznosi oko petnaest miliona KM, a njenom realizacijom ovoj općini i njenim građanima znatno će se poboljšati kvalitet življenja.

Savjetnik federalnog ministra poljoprivrede, vodoprivrede i šumarstva Ivan Pandža podržao je ove projekte, te pozvao predstavnike ove općine na bližu suradnju sa ministarstvom, u cilju što uspješnije implementacije predviđenog projekta.

U sklopu realizacije projekta "Vodoopskrbe i odvodnje otpadnih voda u Federaciji BiH", u petak, 13. januara/siječanja predstavnici Federalnog ministarstva poljoprivrede, vodoprivrede i šumarstva i Jedinice za upravljanje Projektom Evropske investicijske banke izvršili su posjet **Općini Prozor-Rama**.

Razlog posjete je finaliziranje nacrtu Izvještaja o kandidiranom općinskom projektu (Scoping mission report).

Na sastanku je razgovarano o izvorima finansiranja projekta, aktivnostima podrške koje treba razmotriti u svrhu osiguranja održivosti projekta i usavršavanja operativnog kapaciteta, te o unapređenju stanice za klorizaciju na rezervoaru za vodu na lokalitetu Krča, kao i o budućem tarifnom konceptu.

Načelnik Općine Jozo Ivančević izrazio je zadovoljstvo što je došlo do finaliziranja projekta koji se radio i pripremao više od godinu dana, napominjući da Općina Prozor-Rama nikada nije imala kvalitetno riješeno pitanje vodosnabdijevanja, a posebno kanalizacije.

Prema procjeni budžeta projektnih komponenti, vrijednost radova će iznositi 7.219.033 eura, od čega se na sistem vodoopskrbe odnosi 5.486.935 eura, a na sistem za tretman otpadnih voda 1.732.098 eura.

Sredstva će biti osigurana od Evropske investicijske banke, i to kredit 4.346.000 eura i grant sredstva 1.788.198 eura, dok će Općina uložiti 1.084.835 eura budžetskih sredstava.

Savjetnik federalnog ministra poljoprivrede, vodoprivrede i šumarstva Ivan Pandža izrazio je zadovoljstvo što se Općina Prozor-Rama uključila u ovaj projekat, koji se finansira kreditom Evropske investicijske banke, a koji će predstavljati značajan doprinos razvoju općine i boljem životnom standardu građana.

Posjeta **Općini Tešanj** obavljena je u ponedjeljak, 16. januara/siječanja, gdje su predstavnici Ministarstva sa načelnikom i tehničkim stručnjacima razgovarali o tehničkim detaljima podprojekta s kojim će Tešanj učestvovati u projektu Vodoopskrbe i odvođenja otpadnih voda u Federaciji BiH i time trajno riješiti jedno od gorućih problema ove lokalne zajednice.

Savez / Zajedno za uređenu i razvijenu lokalnu samoupravu



Radi se o jednom od najvećih projekata iz ove oblasti na području FBiH, vrijednim 121 milion eura, kojeg provode 22 općine na području FBiH, birane prema jedinstvenoj metodologiji Ministarstva poljoprivrede, vodoprivrede i šumarstva FBiH, ovisno o potrebama i stepenu zaduženja.

"Pedeset posto sredstava za pojedinačne projekte biće obezbjeđeno kroz kreditno zaduženje kod Evropske investicione banke, 22 posto su grant sredstva, dok 28 posto vrijednosti svakog podprojekta obezbjeđuju same općine", izjavila je šefica Jedinice za upravljanje projektom Vodoopskrbe i odvođenja otpadnih voda u FBiH Sanja Terzić.

Ona je dodala da se radi o do sada najkompleksnijem projektu i najznačajnijoj podršci unapređenju životnih uslova stanovništva, kroz uvođenje kvalitetnog sistema vodoopskrbe i odvodnje otpadnih voda, u skladu sa direktivama Evropske unije.

USPOSTAVA KOMUNALNIH REDARA U TUZLANSKOM KANTONU

U okviru projekta uspostave komunalnih redara Ministarstvo prostornog uređenja i zaštite okolice je sa načelnicima 13 općina Tuzlanskog kantona potpisao sporazum o implementaciji projekta, te je izvršena primopredaja službenih vozila i ostale opreme za potrebe rada komunalnih redara. Za projekat je izdvojeno preko pola miliona KM.

"Radi se o jedinstvenom projektu o uspostavi redara u svih 13 općina TK-a. Broj komunalnih redara u svakoj lokalnoj zajednici se kreće od šest u Tuzli do jednog u manjim zajednicama. Imat će jedinstvene uniforme, svako će imati automobile za njihovo kretanje, fotoaparate da bi mogli to ponašanje zabilježiti na licu mjesta, a pomoći ćemo im u obezbjeđenju plaća za prvu godinu rada. To su ljudi koji konstantno trebaju biti na terenu, prijavljivati sve moguće nepravilnosti i sprječavati ljude u narušavanju okoliša, od zelenih površina do neovlaštenog bacanja otpada i nekih drugih aktivnosti koje su vezane isključivo za odluke o komunalnim djelatnostima", kazala je ministrica prostornog uređenja i zaštite okolice u Vladi TK Senija Bubić. Dodala je da općine imaju obavezu da nastave ovaj projekat u narednom periodu.

Potrošeno je puno sredstava na uklanjanju divljih deponija, na čišćenju pored putnih pojaseva kao i svih drugih površina koje su zagađene, kako bi smanjili zagađenje urbanih i ruralnih površina, ali to nije lako jer je dosta nedovoljno ekološki osviještenih građana.

U većini naselja širom BiH problem predstavlja bacanje otpada po laticama na periferiji, gdje ne postoje uslovi da ti lokaliteti budu očišćeni od smeća. Takođe, nesavjesni mještani smeće bacaju i u rijeke. Ima ih svugdje, u naseljenim i nenaseljenim mjestima, pored rijeka, u šumama. Otpad se odlaže na jako mnogo lokacija i u nekontrolisanim količinama.

"Očekujem poboljšanje ekološke discipline, jer svake godine uklanjamo divlje deponije i svaki put ih uklanjamo ispočetka, zatim svake godine čistimo putne pojaseve a nesavjesni građani uporno bacaju smeće. Nadam se da će sad, kad budu postavljeni eko policajci, doći kraj takvom ponašanju nesavjesnih građana da bacaju smeće po otvorenim površinama. Prekršajne prijave za neovlašteno bacanje smeća na bilo kojoj javnoj površini će morati platiti kao i svaku drugu kaznu", kazao je načelnik Općine Živinice Hasan Muratović, ističući kako je Općina Živinice bila pionir u uspostavi eko policije.

Naime, 2002. godine Općina Živinice je uspostavila eko policiju na volonterskoj osnovi i taj projekat je doživio satisfakciju na način da je Ministarstvo prostornog uređenja i zaštite okolice došlo na ideju da uspostavi eko redare u svim općinama Tuzlanskog kantona.

Obuka komunalnih redara će biti izvršena u januaru 2012. godine kada će doći do potpune uspostave komunalne kontrole na području cijelog Kantona.

Komunalni redari nisu inspektori, oni su oči i uši općinskih inspekcija kada je u pitanju bilo koje ponašanje vezano za prostor i komunalni otpad, on na licu mjesta ne može kazniti, već će pozvati inspektora i obavijestiti ga o učinjenom prekršaju.

NASTAVAK REALIZACIJE PROJEKATA ENERGETSKE EFIKASNOSTI U BOSANSKOJ KRUPI

BOSANSKA KRUPA, 16. januar/siječanj – Načelnik Armin Halitović danas je u ime Općine Bosanska Krupa sa Udruženjem „Lokalna akciona grupa Una-Sana“, potpisao ugovor o sufinansiranju projekta „Energy efficiency – Energy efficiency – Health center Bosanska Krupa.

Inače, radi se o projektu energetske efikasnosti koji se realizira u saradnji sa UNDP-om.

Ranije je u kabinetu načelnika potpisan Memorandum o razumijevanju između Ujedinjenih nacija koje zastupa Razvojni program Ujedinjenih nacija – UNDP i Općine Bosanska Krupa.


Na osnovu tog Memoranduma, Bosanska Krupa je ušla u krug općina koje su mogle aplicirati pri UNDP projektima energetske efikasnosti. To je učinila LAG „Una-Sana“ i dobila sredstva. Ukupan projekt utopljanja bi trebao da iznosi 85 hiljada KM, od čega je UNDP obezbijedio 37,5, a ostatak Općina Bosanska Krupa.



Komunalni redari nisu inspektori, oni su oči i uši općinskih inspekcija kada je u pitanju bilo koje ponašanje vezano za prostor i komunalni otpad



"To su ljudi koji konstantno trebaju biti na terenu, prijavljivati sve moguće nepravilnosti i sprječavati ljude u narušavanju okoliša"




Bosanska Krupa

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc-bih-mne.org
www.srb-bih.org
www.chc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelsmmed.com
www.eacea.ec.europa.eu

"Već od septembra toplotnom energijom ćemo snabdijeti sve javne i privatne poslovne objekte, te djelimično stambene objekte, stanove i privatne kuće..."



Prozor-Rama

Sredstva će biti utrošena na izgradnju fasade na pojedinim objektima u kompleksu Doma zdravlja Bosanska Krupa, čime bi se trebali stvoriti bolji uslovi za rad ove ustanove, odnosno smanjiti troškovi poslovanja. Biće to samo nastavak onog što općina već duže vrijeme radi.

Poznato je da, za razliku od većine općina u okruženju, odavno radi na sličnim projektima.

U Bosanskoj Krupi ovo nije prvi projekt iz oblasti energetske efikasnosti. Do sada je realizirala par sličnih projekata u koji su implementirana značajna sredstva, oko 50 hiljada sa federalnog budžeta i oko 33 hiljade iz vlastitog. Između ostalog, rekonstruisana je peć u Domu zdravlja, grijanje s lož ulja prebačeno na pelet, što je omogućilo lakši rad, ali i značajnu uštedu.

Naravno, potpisivanju ugovora kojem je prethodila izrada LEAP-a, lokalnog ekološkog akcionog plana, prisustvovao je i predstavnik UNDP-a, njihov lokalni službenik Dino Kabiljagić, te direktor Doma zdravlja Bosanska Krupa dr. Muhidin Šertović. Svi su izrazili zadovoljstvo zbog učinaka dosadašnjih realiziranih projekata, čemu se nadaju i od ovog. Pretpostavlja se da će fasada biti urađena na zgradi hitne službe i pedijatrije, ali se još treba provesti dodatna analiza prioriteta.



OPĆINA SREBRENİK UVODI CENTRALNO GRIJANJE U STAMBENE I POSLOVNE OBJEKTE

Stanovnici općine Srebrenik zahvaljujući općinskoj administraciji i Vladi tuzlanskog kantona već od jeseni imat će tople radijatore, prenosi portal eKapija. Tender za izvođenje radova na I fazi toplifikacije grada Srebrenika je raspisan, potvrdio je Fahrudin Karić, kordinator projekta.

Ukupna vrijednost projekta procjenjuje se na oko pet miliona maraka. U prvoj fazi radit će se rekonstrukcija postojeće kotlovnice i ubacivanje savremene automatizovane opreme za proizvodnju energije od 4 MW. U drugoj fazi planirano je da se radi na izgradnji toplovoda za distribuciju toplotne energije.

Za radove iz I faze biće utrošeno oko 1,3 miliona KM osiguranih od strane Vlade TK i Općine Srebrenik, a trebali bi krenuti već u maju/svibnju, dok će se paralelno voditi i izrada idejnog projektnog zadatka za II fazu.

Dio sredstava za drugu fazu biće osiguran kroz naplatu taksi iz prve faze, dio će se osigurati iz budžeta, a očekuju se i sredstva Fonda za zaštitu okoliša.

"Već od septembra toplotnom energijom ćemo snabdijeti sve javne i privatne poslovne objekte, te djelimično stambene objekte, stanove i privatne kuće, dok ostali (poslovni prostori i stanovi) tople radijatore mogu očekivati nakon realizacije treće faze projekta", kaže Karić, naglašavajući kako se radi o jedinstvenom projektu koji je rađen po austrijskom i njemačkom konceptu.



FOND ZA ZAŠTITU OKOLIŠA FBiH ODOBRILO 150.000 KM OPĆINI PROZOR-RAMA

10. januar/siječanj – Općina Prozor-Rama, prošla je na Javnom natječaju za korištenje sredstava Fonda za zaštitu okoliša Federacije Bosne i Hercegovine za realizaciju programa, projekata i sličnih aktivnosti iz područja zaštite okoliša za 2011. godinu.

Općini Prozor-Rama aplicirala je sa projektom "Sanacija kanalizacijske mreže i izgradnja uređaja za pročišćavanje otpadnih voda", za što je dobreno 150.000 konvertibilnih maraka u sklopu programa koji se odnosi na sufinansiranje programa, projekata i sličnih aktivnosti iz oblasti upravljanja otpadnim vodama, koji obuhvaćaju: izgradnju ili sanaciju kolektorskih mreža (primarnih i sekundarnih), tretman otpadnih voda, monitoring otpadnih voda i sličnih aktivnosti iz oblasti korištenja voda.

Upravni odbor Fonda za zaštitu okoliša FBiH ujedno je predložio Općini Prozor-Rama da se u narednom javnom pozivu isto tako prijavi za sufinansiranje nastavka aktivnosti, kako bi se uspostavio kontinuitet financiranja cjelokupnog projekta.



Savez / Zajedno za uređenu i razvijenu lokalnu samoupravu

SARAJEVO DOBIJA MODERNI PARK „AHG SAKKAL“ NA POVRŠINI OD 11.000 m²

Naselje Dobrinja u Općini Novi Grad Sarajevo uskoro će biti bogatije za novih 1,1 hektara moderne parkovske površine sa raznovrsnim sadržajima.

Naime, rekonstrukcija parka u naselju Dobrinja V, otpočela je u novembru/studenom prošle godine, a radovi teku predviđenom dinamikom i u završnoj su fazi. Investitor je Diplomatsko predstavništvo Azerbejdžana u BiH, a izvođač radova preduzeće "Park".

Radovi na izgradnji parka realizirani je već sa preko 90% i bez obzira na vremenske uslove i niske temperature trebali bi biti završeni u ugovorenom roku, odnosno u narednom mjesecu.

Park će predstavljati savremenu i moderno opremljenu površinu za odmor i rekreaciju za sve populacije, kako djecu i mlade, tako i za one nešto starije stanovnike ovog naselja, ali i cijelog grada, sa muzičkim, dječijim i sportskim paviljon i sadržajem za starije osobe ("agh sakkal" - za bijele brade).

Sve zone parka bit će povezane pješačkim stazama, zelene površine bit će ukrašene hortikulturnim sadržajem, ljubitelji sporta imat će na raspolaganju stazu za trčanje dugo gotovo kilometar, zid za sportsko penjanje i stolove za stoni tenis.


S obzirom da se novi park prostire na obje obale rijeke Dobrinje, već je završena izgradnja pješačkog mosta, tako da će posjetioci parka moći bezbjedno i neometano prelaziti s jedne na drugu stranu.



Izgrađeni su betonski stubovi i betonska konstrukcija mosta, popločavanje pješačkih staza, u toku je gradnja zida za sportsko penjanje, finalizira se izgradnja odnosno betoniranje paviljonskih površina i stepeništa.

Staza izgrađena u motivu "azerbejdžanskog čilima" ukrašavat će ovaj park, a u toku je i hortikulturno ukrašavanje parka koji će krasiti oko 70 novih stabala i preko 200 sadnica ukrasnog grmlja.

Već su urađene instalacije za video nadzor cjelokupnog parka, tako da će posjetioci istog, ali i sami rekviziti u parku biti bezbjedniji.



Ljubitelji sporta imat će na raspolaganju stazu za trčanje dugo gotovo kilometar, zid za sportsko penjanje i stolove za stoni tenis

IZGRADNJA 20 VJETROELEKTRANA NA VLAŠIĆU POČINJE U 2012.

TRAVNIK, 9. januar/siječanj – Na području općine Travnik, tačnije na planini Vlašić, na proljeće će početi pripremni radovi za izgradnju 20 vjetroelektrana, što će biti najznačajniji projekti iz oblasti privrede koji će se podnети u 2012. godini u Srednjobosanskom kantonu (SBK).


Po 10 vjetroelektrana će graditi Javno preduzeće "Elektroprivreda BiH" i firma "Eberkon" iz Travnika, koja se nalazi u vlasništvu bosanskohercegovačko - turskog konzorcija, sa čijim je predstavnicima Ministarstvo privrede SBK krajem prošle godine potpisalo koncesione ugovore.

Radi se o dva dugoročna projekta koji će biti implementirani nekoliko godina i čija je ukupna vrijednost više od 100 miliona eura.

Na većini poslova, kako su najavili investitori, biće angažovane firme iz BiH, što bi trebalo stvoriti uslove za otvaranje novih radnih mjesta i zapošljavanje sezonskih radnika.



Planina Vlašić



Planina Vlašić




Općina Cazin

KORISNI LINKOVI ZA PREDPRISTUPNE
FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

*Federalno ministarstvo
okoliša i turizma,
sufinansiraje projekat
izgradnje kotlovnice na
biomasu u općini Maglaj*



OPĆINA CAZIN POSTAJE ENERGETSKI UČINKOVITA

18. januar/siječanj – (eKapija) Općina Cazin je početkom ove godine uz partnerstvo sa UG "Nešto više" iz Sarajeva započela aktivnosti na projektu "Unapređenje sistema centralnog grijanja zgrade općine Cazin" kojim će se izvršiti zamjena peći za centralno grijanje, koja koristi lož ulje, sa peći koja kao gorivo koristi bio-masu (pelet), potvrdio je za ekapija.ba Suad Rošić, koordinator razvojnog tima Općine Cazin.

Finansijska vrijednost ovog projekta je 70.000 KM, a finansirati će se jednakim učešćem finansijskih sredstva Općine Cazin i UNDP-a BiH u okviru Programa MDG-F (Zaštita životne sredine i klimatske promjene).

"Općina Cazin je izradila i projektnu dokumentaciju za projekat 'Unapređenja energetske efikasnosti gradske sportske dvorane' koji je jedan od vrlo prioritarnih projekata, a za kojeg će se također tražiti i potencijalna donatorska sredstva", kaže Rošić, naglašavajući kako Općina ima usvojen i Strateški plan za vode, zaštitu okoliša i komunalnu djelatnost, a na prethodnoj 28. sjednici Općinskog vijeća Općine Cazin usvojen je Načrt Lokalnog ekološkog akcionog plana LEAP za period od 2012-2017. godine, koji će nakon provedene javne rasprave biti upućen i na konačno usvajanje.

Jedan od preduslova za bolje upravljanje energijom i zaštitu okoliša je pojašnjava Rošić i usvajanje zakonske regulative i usaglašenih strateških i operativnih planova.

NAČELNIK OPĆINE MAGLAJ M. MUSTABAŠIĆ SUSREO SE SA
MINISTRICOM B. ĐURIĆ

SARAJEVO, 17. januar/siječanj – Federalna ministrica okoliša i turizma Branka Đurić primila je danas u Sarajevu u radnu posjetu načelnika Općine Maglaj Mehmeda Mustabašića.

Tema sastanka, kojem su prisustvovali i pomoćnik ministrice za okoliš Mehmed Cero, šef ureda ministrice Tomislav Lukić, te pomoćnik načelnika za urbanizam, geodetske i imovinsko-upravne poslove Općine Maglaj Fuad Hajrulahović, bila je izgradnja kotlovnice na ekološki prihvatljivo gorivo - biomasu u toj općini, čiju izgradnju sufinansira Federalno ministarstvo okoliša i turizma.

Ovaj projekat, na kojem se intenzivno radi već nekoliko godina, početak je realizacije CDM - Clean Development Mechanism projekata, koji su u skladu sa Poslovnikom o radu ovlaštenog tijela (DNA BiH) za provođenje projekata mehanizama čistog razvoja Kyoto protokola Okvirne Konvencije Ujedinjenih naroda o promjeni klime u Bosni i Hercegovini.

Na takav način, prema odredbama međunarodnog Kyoto protokola, visokoindustrijalizirane države obavezale su se na smanjenje stakleničkih plinova, a to se najčešće odvija tako što visokorazvijene države na međunarodnim berzama kupuju CDM-ove, odnosno CDM projekti omogućavaju razvijenim zemljama da dio svojih obaveza na smanjenju emisije stakleničkih plinova realiziraju u zemljama u razvoju koje se pristupile Protokolu, ali nemaju obaveza za smanjenjem u prvom periodu (2008 – 2012. godina).

Tako će Federalno ministarstvo okoliša i turizma, sufinansirajući projekat izgradnje kotlovnice u općini Maglaj, pomoći ne samo u borbi smanjenja stakleničkih plinova, već i upoznati javnost sa mogućnostima grijanja na obnovljiv izvor energije - biomasu, čime će se doprinijeti uštedi električne energije, povećati energetska učinkovitost, kao i primjenjivati obnovljivi izvori energije u većoj mjeri.

Ministrica B. Đurić kazala je da, iako ekološki prihvatljiva rješenja u pravilu više koštaju, na dugoročnoj osnovi se puno više isplate.

"Svakako da Federalno ministarstvo okoliša i turizma svim svojim aktivnostima želi osigurati zdrav i čist okoliš građanima u BiH. Ovo je prvi projekt koji nudi održivi sustav upravljanja, a uz to povećanu energetska učinkovitost. Istina je, također, da se ovakvi projekti ne mogu realizirati preko noći, kao ni postići odmah vrhunski rezultati, ali dugoročno gledano, važno je raditi na projektima koji će očuvati što zdraviji okoliš i osigurati budućim generacijama isti", kazala je B. Đurić.

Sudjelujući nedavno u Bruxellesu na konferenciji gradonačelnika evropskih gradova o smanjenju emisije CO2 do 2020. godine za najmanje 20 posto (Covenant of Mayors Initiative), načelnik Mustabašić izrazio je zadovoljstvo što je Federalno ministarstvo okoliša i turizma prepoznalo značaj i važnost potpore ovakvim projektima, te osiguralo sredstava kojim će nakon izgradnje jedne ovakve ekološki prihvatljive mini toplane radom doprinijeti borbi protiv klimatskih promjena, klimatskim ciljevima Evropske unije, kako bi stvorili bolje životne uvjete kako za građane BiH, tako i za evropske građane.

POČEO PROCES IZRADE LOKALNOG EKOLOŠKOG AKCIONOG PLANA



GRAČANICA, 13. januar/siječanj – Općina Gračanica započela je sa procesom izrade dokumenta Lokalni ekološki akcioni plan (LEAP) u okviru MDG-F Programa Očuvanje okoliša i klimatske promjene, "Standardizacija upravljanja okolišem: povezivanje lokalnih i državnih aktivnosti u BiH".

Ovaj program zajednički provodi pet UN agencija: UNDP, UNV, UNEP, FAO i UNESCO, u partnerstvu sa Ministarstvom za vanjsku trgovinu i ekonomske odnose BiH, Ministarstvo civilnih poslova BiH, Ministarstvo okoliša i turizma Federacije BiH (FBiH), Ministarstvo poljoprivrede, vodoprivrede i šumarstva FBiH, Ministarstvo za prostorno uređenje, građevinarstvo i ekologiju Republike Srpske (RS), Ministarstvo poljoprivrede, šumarstva i vodoprivrede RS, općinama, te organizacijama civilnog društva.

Program se finansira sredstvima španskog Fonda za dostizanje milenijumskih razvojnih ciljeva (MDG-F).



Krajem novembra/studenog prošle godine Općina Gračanica je potpisala Memorandum o razumjevanju i otpočinjanju procesa izrade LEAP dokumenta.

Nakon potpisivanja Memoranduma, pokrenut je proces izrade LEAP dokumenta, pa je donesena Odluka o pokretanju procesa izrade LEAP-a, zatim je imenovan općinski LEAP koordinator, te imenovan Radni tim za izradu LEAP dokumenta.

Jedna od aktivnosti u okviru ovog programa je i izgradnja kapaciteta i podrška pri izradi Lokalnih akcionih planova za životnu sredinu (LEAP) u općinama partnerima, kao i osiguranje uslova za implementaciju prioritarnih projekata lokalnog upravljanja životnom sredinom.

KASTRACIJA I STERILIZACIJA PASA LUTALICA U NOVOM SARAJEVU

Općina Novo Sarajevo je u junu/lipnju 2011. godine sklopila Ugovor o provođenju projekta kastracije i sterilizacije pasa lualica sa KJP „Veterinarske stanica“ iz Sarajeva i Veterinarskim fakultetom Univerziteta u Sarajevu. U sklopu praćenja realizacije ovog projekta izvršen je obilazak prostorija katedre za hirurgiju, ortopediju i oftamologiju koju vodi doktorica veterine Selma Filipović, te je utvrđeno da postoje svi uvjeti, kao i potrebni materijalni i ljudski kapaciteti za operativne zahvate – sterilizaciju i kastraciju napuštenih životinja. Brigu oko dovođenja i odvođenja životinja nakon operativnog zahvata pružimala su udruženja za zaštitu i dobrobit životinja, a u dijelu projekta realizovanog na Veterinarskom fakultetu većinu posla je uradilo Udruženje „Help Animals“ iz Sarajeva, koje vodi Gordana Ristić. Pošto je pitanje provođenja Zakona o zaštiti i dobrobiti životinja još uvijek u početnoj fazi (nepostojanje azila i higijenskog servisa za napuštene životinje), Općina Novo Sarajevo je prodložila nastavak ovog projekta i u 2012. godini.



Grb Općine Gračanica

*Krajem novembra/
studenog prošle godine
Općina Gračanica je
potpisala Memorandum o
razumjevanju i
otpočinjanju procesa
izrade LEAP dokumenta*





Općina Bosanska Krupa uspostavlja servis "Manje od 48 sati", kojim će se omogućiti da se u roku od 48 sati podnosiocu zahtjeva pruži traženi odgovor

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Općina Živinice je u protekle dvije godine izgradila preko 36 km asfaltnih puteva u 20 MZ, te preko 20 km javne rasvjete.



JAVNA RASPRAVA O TEKSTU NACRTA ZAKONA O KORIŠTENJU OBNOVLJIVIH IZVORA ENERGIJE

SARAJEVO, 17. januar/siječanj – U skladu sa zaključcima oba doma Parlamenta Federacije Bosne i Hercegovine, 29. decembra/prosinca 2011. godine zvanično je pokrenuta javna rasprava o tekstu Nacrta zakona o korištenju obnovljivih izvora energije i efikasne kogeneracije.

S ciljem pribavljanja mišljenja, prijedloga i sugestija na tekst nacrta ovog zakona, Federalno ministarstvo energije, rudarstva i industrije ga je uputilo zainteresovanim stranama na 45 adresa, a može se preuzeti i sa web stranice ovog ministarstva (www.fmeri.gov.ba).

O tekstu ovog zakona će, također, do kraja ovog mjeseca, privrednici i stručnjaci imati prilike raspravljati u privrednim komorama u Tuzli, Sarajevu i Mostaru.

Javna rasprav će biti održana: 27. januara/siječnja u 13.00 sati u Tuzli, u prostorijama Kantonalne privredne komore (KPK) Tuzla, 30. januara/siječnja u 11.00 sati u Sarajevu, u prostorijama Privredne komore (PK) FBiH, te 31. januara/siječnja u 11.00 sati u Mostaru, u prostorijama Ureda PK FBiH.

OPĆINA BOSANSKA KRUPA USPOSTAVLJA SERVIS "MANJE OD 48 SATI"

BOSANSKA KRUPA, 18. januar/siječanj – U okviru druge faze Projekta upravne odgovornosti – GAP II, s ciljem efikasnijeg rješavanja komunalnih problema po zahtjevima građana, privredne i javnog sektora, Općina Bosanska Krupa uspostavlja servis "Manje od 48 sati", kojim će se omogućiti da se u roku od 48 sati podnosiocu zahtjeva pruži traženi odgovor, koristeći moderne i funkcionalne metode.

Ovom aktivnošću, posredstvom općinske administracije, biće obuhvaćeni pružaoci komunalnih usluga, odnosno javna preduzeća ili organi nadležni za: vodosnabdijevanje, odvođenje otpadnih i oborinskih voda, odvoz otpada i čistoću, divlje deponije, održavanje zelenih površina, održavanje groblja, inspeksijske službe, javnu rasvjetu, saobraćajnu signalizaciju, pse lutalice, komunalnu infrastrukturu (lokalni i nekategorisani putevi, zatim klupe, korpe za otpad i kontejneri), te za zimsko održavanje puteva.

Zahtjev za rješavanje komunalnog problema moći će se podnijeti lično u Centru za usluge građanima Općine Bosanska Krupa, na propisanom obrascu koji će biti odmah prosljeđen ovlaštenom službeniku Servisa.

Nadležni općinski službenik zahtjev će poslati nadležnom organu koji je dužan odmah na teren uputiti službu, kao i odgovoriti na upit službenika u Općini kako bi se u predviđenom roku odgovor prosljedio podnosiocu.

S ciljem uspostavljanja pomenutog servisa, neophodno je provesti još nekoliko aktivnosti, između ostalog, izraditi zahtjev u elektronskoj i pisanoj formi, izraditi informativni vodič za građane itd.

Već krajem ovog mjeseca građani Bosanske Krupe će imati mogućnost da putem servisa 'Manje od 48 sati' brže i lakše dobiju relevantan odgovor koji na kraju vodi i do rješavanja eventualnih problema. Pretpostavka je da će se na ovaj način smanjiti redovi na šalterima, rasteretiti i službenici i građani, te da će se uštedeno vrijeme još kvalitetnije iskoristiti.

OPĆINA ŽIVINICE NASTAVLJA IZGRADNJU LOKANE INFRASTRUKTURE PO PRINCIPU MARKA NA MARKU

ŽIVINICE, 13. januar/siječanj – (eKapija) Općina Živinice nastavlja realizaciju uspješnog projekta pod nazivom "Marka na marku". U sklopu njega je predviđeno da će Općina iznositi koje mjesne zajednice predvide za projekte iz oblasti infrastrukture, podržati sa isto toliko sredstava.

Pravo na sufinansiranje projekata-programa imaju sve mjesne zajednice, naseljena mjesta i grupe građana koji iskazuju svoje interese putem interesnih zborova na području Općine Živinice, za realizaciju projekata-programa iz oblasti: asfaltiranje puteva, izgradnje vodovoda i kanalizacije i izgradnje ulične i javne rasvjete.

Tako je ove godine iz budžeta za podršku projekta mjesnih zajednica osigurano 400.000 KM. Iz Općine pojašnjavaju da su i prethodnih godina provodili ovakve vrste projekta te da je interes mjesnih zajednica uvijek veći od iznosa sredstava kojeg oni predvide. Prošle godine se on kretao oko 1,2 milijuna KM.

Javni poziv za prijavu projekta već je raspisan, a projekti se mogu podnijeti do 15. aprila/travnja 2012. godine. Prijedlog odluke o odabiru kandidiranih projekata-programa po ovom javnom pozivu trebala bi pripremiti Komisija koju imenuje općinski načelnik.

Podsjetimo, Općina je u protekle dvije godine izgradila preko 36 kilometara asfaltnih puteva u 20 mjesnih zajednica te preko 20 kilometara javne rasvjete.

Savez / Zajedno za uređenu i razvijenu lokalnu samoupravu

JAVNI KONKURS ZA IZBOR I IMENOVANJE

članova

Savjetodavne komisije u projektu „Bikon Šema“

Savez općina i gradova Federacije BiH i Savez opština i gradova Republike Srpske raspisuju Javni konkurs za izbor stalnih članova Savjetodavne komisije u projektu „Bikon Šema“.

Opis poslova

Član Savjetodavne komisije obavlja sljedeće poslove:

- Izrađuje kriterijume za Bikon teme, u saradnji sa lokalnim ekspertima i predsjednikom Savjetodavne komisije;
- Aktivno učestvuje na radionicama, u cilju pružanja informacija o odabranim temama Bikon programa;
- Izrađuje listu općina-kandidata koje su ušle u uži izbor za dodjelu Bikon statusa, u saradnji sa lokalnim ekspertima i predsjednikom Savjetodavne komisije;
- Vršiti procjenu općina-kandidata koje su ušle u izbor, u saradnji sa lokalnim ekspertima, tako što sprovodi verifikacijske posjete na terenu i prisustvuje prezentacijama općina;
- Učestvuje u izradi detaljnog pisanog izvještaja koji se dostavlja svim općinama koje nisu ušle u uži izbor, u skladu sa smjernicama Sekretarijata;
- Učestvuje u izradi Prospekta Bikon Šeme i Priručnika za razmjenu najboljih praksi;
- U saradnji sa predsjednikom i ostalim članovima Savjetodavne komisije, učestvuje u izradi preporuka za općine kojima bi trebalo da bude dodjeljen Bikon status. Preporuke se dostavljaju Odboru za dodjelu Bikon statusa, putem Sekretarijata.

Opšti uslovi

- Da su državljani Bosne i Hercegovine
- Da su stariji od 18 godina

Posebni uslovi

- Visoka stručna sprema
- Najmanje 5 godina radnog iskustva u oblasti lokalne samouprave, na višim rukovodećim mjestima u općini, ministarstvu, ili nekim drugim organizacijama koje rade u oblasti općinskog razvoja;
- Odlične vještine pisanja izvještaja (na jednom od službenih jezika u BiH);
- Poznavanje rada na kompjuteru, uključujući korištenje elektronske pošte;

Prednost će se dati kandidatima koji:

- Imaju iskustvo u upravljanju timom i ostvarivanju rezultata;
- Dobro poznaju trenutnu situaciju u oblasti općinskog razvoja u BiH;
- Dobro razumiju program, ciljeve i principe „Bikon Šeme“;
- Posvećeni su radu i principu nepristrasnog, objektivnog i transparentnog procesa procjene;
- Imaju razvijene vještine rukovođenja i sposobnost upravljanja timom;
- Imaju razvijene vještine komunikacije i međuljudskih odnosa;
- Imaju vještine zagovaranja, uvjeravanja i pregovaranja;

Mandat i uslovi rada

Stalni član Savjetodavne komisije biće imenovan na period od tri godine. Mandat stalnog člana može biti produžen za još tri godine, u zavisnosti od preporuka Sekretarijata i odobrenja ministarstava. Od stalnog člana Savjetodavne komisije očekuje se da prisutvuje na četiri sastanka Savjetodavne komisije, kao i da odvoji deset dana godišnje u periodu maj-septembar za proces odabira kandidata.

Prijave

Uz prijavu Kandidati su dužni dostaviti dokaze o ispunjenosti opštih i posebnih uslova: radnu biografiju, uvjerenje o državljanstvu, diplomu i rodni list.

Dokazi (dokumenta) dostavljaju se u originalu ili ovjerenom prepisu u skladu sa zakonom.

Prijave se mogu dostaviti lično ili poštom u Savez općina i gradova Federacije Bosne i Hercegovine, Musala 5/1, u Sarajevu.

ili u Savez opština i gradova Republike Srpske, Nikole Tesle br.6, u Bijeljini.

(Sa naznakom: Javni konkurs za izbor i imenovanje članova Savjetodavne komisije u projektu „Bikon Šema“)

Sa svim kandidatima koji ispunjavaju uslove i uđu u uži izbor obavice se intervju, o čemu će kandidati biti blagovremeno obavješteni.

Rok za podnošenje prijave je 15 dana od dana objavljivanja konkursa. Neblagovremene i nepotpune prijave neće se uzeti u razmatranje.

(Objavljeno: 16. januara/siječnja 2012. godine)

facebook
Savez općina i gradova Federacije
Bosne i Hercegovine



**Svečano proglašenje pobjednika
5. kruga Beacon Scheme
Brčko, 14.04.2011**



**Svečano proglašenje pobjednika
4. kruga Beacon Scheme
Brčko, 13.11.2009**





KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipachc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Predsjednik Savjetodavne komisije će biti imenovan na period od tri godine



Sa prezentacije općina koje su ušle u uži krug za dobijanje statusa Beacon, 6. krug, 11.12.2011



JAVNI KONKURS ZA IZBOR I IMENOVANJE

Predsjednika

Savjetodavne komisije Bikon šeme u Bosni i Hercegovini

Savez općina i gradova Federacije BiH i Savez opština i gradova Republike Srpske raspisuju Javni konkurs za izbor Predsjednika Savjetodavne komisije u projektu „Bikon Šema“.

Opis poslova

Predsjednik Savjetodavne komisije obavlja sljedeće poslove:

- Predsjednik Savjetodavne komisije je odgovoran za sva pitanja koja se tiču rada Savjetodavne komisije i koordinacije ovog tijela sa Sekretarijatom i Odborom za dodjelu Bikon statusa;
- Koordinira rad Savjetodavne komisije; obezbjeđuje da se sve aktivnosti izvrše u skladu sa rokovima propisanim od strane Sekretarijata;
- Nadgleda proces izrade kriterijuma za procjenu općina-kandidata, u skladu sa zadanim temama, u saradnji s ostalim članovima Komisije i u skladu sa rokovima koje je propisao Sekretarijat;
- Nadgleda proces izrade liste općina-kandidata koje se takmiče za Bikon status, a koje su ušle u uži izbor, u saradnji s ostalim članovima Komisije;
- Vršiti kontrolu kvaliteta da bi se omogućilo da se procjena i odabir putem terenskih posjeta i prezentacija sprovodi na pravedan, dosljedan i objektivan način, u skladu sa kriterijima za svaku Bikon temu;
- Obezbeđuje da se općinama koje nisu ušle u uži izbor dostavi izvještaj u pisanoj formi o ocjeni njihovih rezultata;
- Putem Sekretarijata dostavlja preporuke ministarstvima, za općine kojima bi trebalo da se dodijeli Bikon status, uključujući i rješavanje eventualnih sukoba mišljenja unutar Komisije.

Opšti uslovi:

- Da je državljanin Bosne i Hercegovine
- Da je stariji od 18 godina

Posebni uslovi:

- Visoka stručna sprema
- Najmanje 5 godina radnog iskustva u oblasti lokalne samouprave na višim rukovodećim mjestima u općini, ministarstvu, ili nekim drugim organizacijama koje rade u oblasti općinskog razvoja;
- Odlične vještine pisanja izvještaja (na jednom od službenih jezika u BiH);
- Poznavanje rada na kompjuteru, uključujući korištenje elektronske pošte;

Prednost će se dati kandidatima koji:

- Imaju iskustvo u upravljanju timom i ostvarivanju rezultata;
- Dobro poznaju trenutnu situaciju u oblasti općinskog razvoja u BiH;
- Dobro razumiju program, ciljeve i principe „Bikon Šeme“;
- Posvećeni su radu i principu nepristrasnog, objektivnog i transparentnog procesa procjene;
- Imaju razvijene vještine rukovođenja i sposobnost upravljanja timom;
- Imaju razvijene vještine komunikacije i međuljudskih odnosa;
- Imaju vještine zagovaranja, uvjeravanja i pregovaranja;

Mandat i uslovi rada

Predsjednik Savjetodavne komisije će biti imenovan na period od tri godine. Mandat predsjednika može da bude produžen za još tri godine u ovisnosti od preporuka Sekretarijata i odobrenja ministarstava.

Od predsjednika Savjetodavne komisije očekuje se da prisutvuje na četiri sastanka Savjetodavne komisije i četiri sastanka Sekretarijata godišnje, kao i da odvoji pet dana godišnje u periodu maj-septembar za proces odabira kandidata.

Prijave

Uz prijavu Kandidati su dužni dostaviti dokaze o ispunjenosti opštih i posebnih uslova: radnu biografiju, uvjerenje o državljanstvu, diplomu i rodni list.

Dokazi (dokumenta) dostavljaju se u originalu ili ovjerenom prepisu u skladu sa zakonom.

Prijave se mogu dostaviti lično ili poštom u Savez općina i gradova Federacije Bosne i Hercegovine, Musala 5/1, u Sarajevu.

ili u Savez opština i gradova Republike Srpske, Nikole Tesle br.6, u Bijeljini.

(Sa naznakom: Javni konkurs za izbor i imenovanje Predsjednika Savjetodavne komisije u projektu „Bikon Šema“)

Sa svim kandidatima koji ispunjavaju uslove i uđu u uži izbor obaviće se intervju, o čemu će kandidati biti blagovremeno obavješteni.

Rok za podnošenje prijave je 15 dana od dana objavljivanja konkursa. Neblagovremene i nepotpune prijave neće se uzeti u razmatranje.

(Objavljeno: 16. januara/siječnja 2012. godine)

NAJAVA OBILJEŽAVANJA DANA OPĆINA ZA MJESEC FEBRUAR/VELJAČA

- **08. februar/veljača - Dan Općine Odžak.** Tog dana 1996. godine prvi povratnici predvođeni policijskim snagama vraćaju se u svoje domove.

- **20. februar/veljača - Dan Općine Bužim.** Na taj dan 1995. godine Predsjedništvo RBiH je Uredbom sa zakonskom snagom formiralo općinu Bužim.

- **21. februar/veljača - Dan Općine Ljubuški.** Tog dana 1444. godine napisan je testament bogatog dubrovačkog trgovca Gojslava Orlovića u kojem se spominje dar crkvi u Ljubuškom. Smatra se najstarijim pisanim dokumentom u kojem se spominje naziv Ljubuški (Lubusia), a čuva se u dubrovačkom arhivu.

- **22. februar/veljača - Dan Općine Jablanica** i dan sjećanja na oslobođenje grada u Drugom svjetskom ratu.

- **23. februar/veljača - Dan Općine Velika Kladuša.** Ovaj datum je značajan kao sjećanje na prvo oslobađanje Velike Kladuše u Drugom svjetskom ratu kada je uspjela opstati kao slobodan teritorij punih 731 dan.

- **26. februar/veljača - Dan Općine Bihać.** Na taj dan 1260. zabilježen je prvi pisani historijski trag o gradu Bihaću u Povelji ugarsko-hrvatskog kralja Bele IV, kao gradu sagrađenom na Otoku sv. Ladislava, u vlasništvu benediktinske opatije iz Topuskog. Godine 1262. proglašen je slobodnim kraljevskim gradom sa svim pravima što mu je osiguralo samostalni razvoj.

- **29. februar/veljača - Dan Općine Ilijaš.** Na ovaj dan, 1996. godine, na oslobođenu teritoriju općine Ilijaš došlo je do masovnog povratka izbjeglog stanovništva i uspostavljanja civilne vlasti.



Općina Odžak



Općina Budžim



Općina Ljubuški



Općina Jablanica



Općina Velika Kladuša



Općina Bihać



Općina Ilijaš

**Savez općina i gradova Federacije
Bosne i Hercegovine**

Musala 5/1

71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u

facebook | join our group +

POSJETITE NAS NA WEB-U

WWW.SOGFBIH.BA

EURO 2012 – EVROPSKO PRVENSTVO U FUDBALU ZA NAČELNIKE

Asocijacija poljskih gradova (Association of Polish Cities) i Asocijacija ukrajinskih gradova (Association of Ukrainian Cities) organiziraju „Evropsko prvenstvo u fudbalu za načelnike – EURO 2012“.

Prvenstvo će se održati od 15. do 21. maja/ svibnja 2012. godine u mjestima Katowice u Poljskoj i Kyiv u Ukrajini.

Timove mogu činiti načelnici/gradonačelnici i njihovi zamjenici, s tim da zamjenici ne smiju činiti više od 50 % tima i ne smiju biti mlađi od 40 godina. Tim može da broji 16 igrača, a ukupan broj članova tima ne smije prelaziti 20.



Sve nogometne utakmice, počevši od doigravanja do finala igrat će po sedam igrača uključujući i golmana u dva poluvremena sa po 30 minuta. Broj zamjenskih igrača nije ograničen.

Igra se na fudbalskom terenu dimenzija 30m x 60m, a gol 5m x 2m.

Troškovi članova tima iznose 100 eura po osobi za svaki dan boravka, što uključuje smještaj, hranu i transport.

Svi zainteresovani timovi dužni su da pošalju zahtjev za učešće do 29. februara/veljače 2012. godine na e-mail: mayors.euro2012@gmail.com

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba


Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.


Sa zadovoljstvom očekujemo vaše komentare, sugestije i primjedbe.



UEFA
EURO2012
POLAND-UKRAINE



Katowice, Poland



Kiev, Ukraina

Savez / Zajedno za uređenu i razvijenu lokalnu samoupravu